

卷九目次

蟲部

卵生八種

蜂蜜

一合黃白蠟

露蜂房

二

五倍子

三附百藥煎

桑螵蛸

四

白殭蠶

五合蚕脫原蚕蛾原蚕沙

斑蝥

六

蜚蠊

七

水蛭

八

化生五種

蟬蛻

一

蜣螂

二

蝼蛄

三

麝蟲

四

蜚蠊

五

濕生二種

蟾蜍一

蜈蚣二

龍類三種

龍骨

合龍齒

鯨鯉甲

二

蛤蚧

三

蛇類三種

蛇蛻

一

蚺蛇膽

二

白花蛇

三

魚類五種

鯉魚

一

青魚膽

二

石首魚

三

合乾鯊

鯽魚

四

鱸魚

五

無鱗魚四種

鱻魚 一

鰻鱺 二

鰱魚 三

烏賊魚骨 四

介部

龜鱉類二種

龜甲 一

鱉甲 二

蚌蛤類七種

牡蠣 一

蚌粉 二

眞珠 三

石決明 四

蛤蜊 五
合蛤粉

瓦礫子 六

彙纂卷九

毘陵 顧元交 述

蟲部依舊本分卵化濕三類

蜂蜜

卵之一
合黃白蠟

蜂采無毒之花。釀以糞穢而成。蜜。所謂臭腐爲神奇也。又朝得露氣之清華。晝得太陽之和煦。故能補中。又能清熱。又能潤燥。又能解毒而止痛。施之。內外虛實。諸病。罔不相宜。

蜜蠟者。蜜之凝結於底者也。莫甘於蜜。莫淡於蠟。蜜性緩質柔。故主潤臟腑。蠟性膏質堅。故能療久痢。洩瀉後重下膿血也。若火熱暴痢者。不宜遽用。

蜂性寒。蜜之性溫。又蜜生涼而熱溫。或清或補。分別爲用。又諸蜜氣味。當以花爲主。冬夏爲上。秋次之。春則易酸。閩廣蜜極熱。以南方少霜雪。諸花多熟也。川蜜溫。西蜜則涼矣。近世宣州有黃連蜜。色黃味小苦。主目熱。雍洛間有梨花蜜。白如凝脂。亳州太清宮有檜花蜜。色小赤。柘城縣有桐首烏蜜。

色更赤。並蜂採其花。作之。各隨花性之溫涼也。
醫家宜用白蠟。蠟固蜜底。取蜜後。煉過。濾入水中。
候凝。取之。色黃者。名黃蠟。煎煉極淨。色白者。爲白
蠟。若以黃蠟。烱內水中。十餘遍。亦能令白。與今時
所用蟲造白蠟不同。

蟲造白蠟。今人爲澆燭之用。其蟲大如蟣虱。生蠟
樹上。芒種後。延緣樹枝。食汁吐涎。粘於嫩莖。化爲
白脂。處暑後。人剝取。煉淨。成塊。其色雪白。若蜜蠟
之白。蠟不過白色。勝於黃蠟耳。

露蜂房 卵之二

露蜂房。陽明藥也。故以治婦人乳病。其外科齒科多用之。亦皆取其以毒攻毒。散邪殺蟲之功耳。

入藥宜草蜂房。大如拳者。山蜂房。大有一二丈圍樹上。重重如樓臺。有厚毒。服食塗抹。皆非所宜。

五倍子

卵之三
附百藥煎

五倍子。乃鹽膚木之上。有小蟲如蟻。食其汁。老則遺種。結小毬於葉間者。鹽膚子。及葉皆酸。鹽寒涼能除痰飲咳嗽。生津止渴。解熱毒。酒毒。治喉痺下血。血痢。

諸病故五倍子所主治與之同功其味酸鹹亦能斂肺止血化痰止渴收汗其氣寒亦能散熱毒瘡腫其性收亦能除泄痢氣脫也蓋凡黃昏咳嗽者乃火氣浮入肺中不宜用涼藥宜五倍五味斂而降之

百藥煎功與五倍子同但經釀造其體輕虛其性浮收且味帶餘甘治上焦心肺咳嗽痰飲熱渴諸症合嚼爲宜

膚木子曝乾染家用之故五倍子造爲百藥煎以染皂色

自汗盜汗以五倍子研末津唾調填臍中縛定一夜卽止亦治小兒夜啼

小兒下血腸風臟毒五倍子末煉蜜凡小豆大每米飲服二十丸

脫肛不收用五倍子百草霜等分爲末醋熬成膏鷺翎掃傳之卽入

桑螵蛸 卵之四

桑螵蛸稟秋金之陰氣走腎利膀胱其能事也以其輕飄如繃故謂之螵蛸乃螳螂乳子作房粘着枝上

者獨取桑螵蛸以其兼得桑皮之津氣耳

桑螵蛸散治男子房勞小便日數十次如粥米甘
心神恍惚瘦瘵食減此方能安神魂定心志治健
忘補心氣止小便數川桑螵蛸遠志龍骨菖蒲人
參扶神當歸龜甲各如法製各一兩爲末臥時人
參湯調下二錢如無桑上者卽用他樹者以炙桑
白皮佐之桑白皮行水以接螵蛸就腎經也
村人每用桑螵蛸炙焦飼小兒云止夜尿

白蠶蠶

卯之五

合蠶蛇雄原蠶蛾原蠶沙

僵蠶蠶之病風者治風化痰散結行經所謂因其氣相感而以意使之者也其氣味輕薄而升故能去皮膚諸風之如蟲行者凡咽喉腫痛及喉痺用此下咽立愈又取其清化之氣從治相火散濁逆結滯之痰也然其性辛溫能散惟祛有餘之客邪今世治小兒驚風不問虛實一概混施者非也

蠶退卽如蟬蛻蛇蛻之類因其本質以爲用蠶退得蠶氣之餘故能入血治風近世以之療痘疹去目翳其義猶蟬蛻也

原蠶茅二蠶也。用二蠶蛾取其敏于生育也。蠶蛾性淫。出繭卽媾。至於枯槁乃已。故強陰益精者用雄原蠶。蛾然觀其後來枯槁之狀。人亦如是。可爲惕然。蠶沙亦須用原蠶者。蠶屬火性燥。燥能勝濕去風。故其沙主療風濕之病。

蠶蟲屬陽。喜燥惡濕。食而不飲。故蠶蠶又兼能燥濕也。蠶則其色白白。其長而直者爲雄。

蠶蛻。今人多用初出蠶子殼在紙上者。古方惟用老蠶眠起所退皮。功用相近。當以蛻皮爲正。入藥。

微炒用。

痔漏下血。以蠶退紙半張。碗內燒灰。酒服。自除。
蠶沙酒。用蠶沙炒黃。袋盛。浸酒。去風。緩諸節。皮膚
頑痺。手足不遂等證。若因血虛。不能榮養。經絡而
無風濕。外邪侵犯者。又非蠶沙所能愈。

周禮禁原蠶。爲其妨馬。養蠶多。卽馬不蕃息。龍馬
同氣。蠶亦其餘氣也。今以殭蠶末塗馬齒。卽不能
食。以桑葉拭去。乃還食。豈非蠶馬同類歟。蠶之屬
火爲陽明矣。

斑蝥 卯之六

斑蝥人獲得之。尾後惡氣射出。臭不可聞。故其入藥亦專主走下竅。直至精溺之處。蝕下敗物也。惟療癰癰犬咬二症。或可暫施。餘證必不可餌戒之。

治療癰。用肥皂二觔。去核。每莢入斑蝥四枚。線縛蒸取出。去斑蝥并肥皂皮筋。得淨肉十兩。入貝母二兩。括樓根。玄參。甘草。薄荷葉。各一兩五錢。共末以肥皂搗如泥。丸梧子大。每服一錢。白湯吞服。後腹疼勿慮。此藥力追毒之故。蓋療癰之毒。莫不有

根大抵以斑蝥地膽爲主。制度如法。能使其根從小便中出。或如紛片。或如血塊。或如爛皮。皆其驗也。但毒之行。小便必澀痛。不可當。以木通滑石燈心輩導之。

治癩犬咬方。斑蝥七箇。去頭足翅。酒洗和濕糯米。銅杓內炒米熟爲度。隨將二物研成細末。加六一散三兩。分作七服。每清晨一服。白湯調下。本人頭頂心必有紅髮二三莖。要不時尋覓摘去。

斑蝥乃大豆葉上甲蟲也。長五六分。黃黑斑文。烏

腹尖喙。蓋一物而四季各異。春食荒花爲荒青。夏食葛花爲亭長。秋食豆花爲斑蝥。冬入地中爲地膽。四蟲色亦不同。荒青色青。故名青娘子。以配紅娘子。葛上亭長。黑身赤頭。如亭長之着玄衣赤幘也。地膽其色如膽。荒青功同斑蝥。今醫家多用斑蝥。荒青而稀用。亭長地膽也。

蝥 卵之七

蝥乃治風之藥。諸風掉眩。屬於肝木。風客是經。非辛溫走散之性。則不能祛風逐邪。兼引諸風藥入達病

所護大人真中風。小兒急驚風皆須用之。
蜚蠊尾蟲也。古語云蜂蠆垂芒其毒在尾。今入藥
有全用者。有用尾者。謂之蜚稍其力尤緊。

水蛭 卵之八

水蛭生於溪澗陰濕之處。其味鹹苦。鹹走血。苦泄結。
故能入肝經血分以除蓄血也。其用與蟲蟲相似。故
仲景方中往往與之並施。

收乾蛭當展其身令長。腹中有子者去之。性最難
死。雖以火炙亦如魚子。煙熏經年得水尤活也。